

0523

Акафист**Прп. Блгв. Кн. Евфросинии Полоцкой****Кондак 1**

Избранную Христову невесту песнями восхвалим днесь, вернии, Евфросинию;/ сия бо княжна, дом отчий оставльши/ и во иночестве поживши добре,/ многая управила есть ко спасению;/ во Иерусалиме плотию преставльшися,/ во Иерусалим горний Духом преселися и тамо присно за ны молится./ Ейже тако возопиим:// Радуйся, Евфросиние, невесто Христова всечестная.

Икос 1

Ангельски поживши, преподобная, постническим житием угодила еси Христу и небесныя радости причаститися сподобилася еси по скончании. Темже с горних высот призри на ны, тако тя величающая:

Радуйся, Российския земли похвало;/ радуйся, отрасли славная от рода Владимира равноапостольнаго.

Радуйся, именитых родителей чадо богоизбранное;/ радуйся, голубице непорочная.

Радуйся, девственнице чистая;/ радуйся, инокиням утешение.

Радуйся, ко Иерусалиму небесному путеводительнице;/ радуйся, благочестия звездó.

Радуйся, заступнице к тебе притекающих;/ радуйся, целительнице недугов незримая.

Радуйся, ходатаице/ за ны теплая.

Радуйся, Евфросиние,/ невесто Христова всечестная.

Кондак 2

Видение бе радостное, егда по рождении твоём принесоста ты, преславная, родителя твоя во храм Господень: тамо бо в купели крещения от первороднаго греха омылася еси погружением;/ и мира священным помазанием ты, яко отрасль младую, иерей привил есть ко Христу, да поеши Ему нынче со избранными Его: Аллилуиа.

Икос 2

Разумом, свыше просвещенным, и чистым сердцем Христови от юности вручила еси себе, Предиславо;/ почасту во храм притекающая, в горнице во трудех присно пребывала еси. Темже ты ублажаем:

Радуйся, Христови обрученная от купели крещения;/ радуйся, миром благодатным запечатленная.

Радуйся, Духа Свята вместилище чистое;/ радуйся, Тем умудренная во спасение.

Радуйся, во благое свыше укрепленная;/ радуйся, разум просветившая молитвою.

Радуйся, совесть стяжавшая крѣпкую во благѣм;/ радуйся, от младости уведевшая пути благочестія.

Радуйся, уклонила бо еси пути гѣбельнаго;/ радуйся, трудолюбивая отроковице.

Радуйся, юных дѣв/ российских красотѣ.

Радуйся, Евфросіиніе,/ невесто Христова всечестная.

Кондак 3

Силою Вышняго укрепленная, возлюбила еси, преподобная, научение книжное и тому прилежала еси;/ мудрость же книжную постигши, паче прочих божественныя книги избрала еси, и яже умудрити могут во спасение всякаго человека, усердно почитала еси, сладце поющи Господеви: Аллилуиа.

Икос 3

Имать днесь обитель твоя отроковицы многи и млада, научению книжному зде вданная. Сего ради усердно молим тя, всехвальная, призри на тыя и умудри я во спасение, да тыя величаем:

Радуйся, ключ мудрости взыскавшая;/ радуйся, яко художество книжное постигла еси от младости.

Радуйся, тем отверзшая двери богопознания;/ радуйся, Священное почитавшая Писание.

Радуйся, от сего узревшая мира сущаго сотворение;/ радуйся, умиленная неизреченным Христовым снисхождением к падшему роду нашему.

Радуйся, возлюбившая возлюбльшаго нас Господа;/ радуйся, Тому Единому поработати возжелавшая.

Радуйся, последи в чертог славы Его всельшаяся;/ радуйся, девственнице, юным девам незримая споспешнице в научении.

Радуйся, свѣтільниче/ благочестія и знанія;/

Радуйся, Евфросіиніе,/ невесто Христова всечестная.

Кондак 4

Бури житейских бед и напастей бежавши, преподобная, паче брака честна житие девственное возлюбила еси и от именитых женихов уклонила еси, отроковице, да единому Жениху Небесному, Христу, поработавши, поющи Ему: Аллилуиа.

Икос 4

Слышала еси, преподобная, яже Апостол рече: глаголю безбрачным и вдовицам — добро им есть, аще пребудут, якоже и аз;/ аще ли же ни, да посягают;/ не ожививый бо ся печется, како угодити Господеви;/ и сему поревновала еси. Темже ты величаем:

Радуйся, девственнице чистая;/ радуйся, путь иноческаго житія избравшая.

Радуйся, яко жребий девства пріяти и вместити возмогла еси Божию благодатию;/ радуйся, мирскаго треволнения избѣгшая.

Радуйся, тихаго пристанища взыскавшая;/ радуйся, Марии Лазареве подражавшая.

Радуйся, яко во храме, аки при ногу Христову, приметáлася еси;/ радуйся, яко лику мучениц и преподобных жен приобщíлася еси.

Радуйся, презревшая лепоту мира тлénнаго;/ радуйся, неизреченныя радости в мире горнем днесь причáстнице.

Радуйся, прáведнаго/ жития óбразе.

Радуйся, Евфросíние,/ невесто Христова всечестнáя.

Кондак 5

Бога точию боящися, не устрашилася еси, Евфросиние, тяготы жития иноческаго, кров же оставльши отчий, во обитель притекла еси и облещи тя во ангельский образ умильне игумению молила еси, да не обязавшися куплями житейскими, выну пети сподобишися Христови: Аллилуиа.

Икос 5

Врача Небеснаго молила еси, всехвальная, да скорбь, родителема твоима отшествием учиненная, на радость преложится;/ оставила бо еси я, преподобная, да Христови послужиши и за рождших тя молишися. Темже ты хвалим достойно:

Радуйся, избраннице Бóжия;/ радуйся, тайне, из отчаго дома отшédшая.

Радуйся, во обитель всельшаяся княгини Ромáновы;/ радуйся, возложшая руку на рало делания духóвнаго.

Радуйся, брачный венец отложívшая;/ радуйся, главу покрывшая кукулем незлóбия.

Радуйся, одеждам брачным одежду нищеты предпочётшая;/ радуйся, со приятием вервицы, аки мечем, вооруженная словом Бóжиим.

Радуйся, крест Христов, аки знамя веры, приímшая;/ радуйся, яко не посрами ты Господь во уповáнии.

Радуйся, родителя бо, пришедшая ты видети, от писания тобою утéшившаяся,/ в радости возвратíтася.

Радуйся, Евфросíние,/ невесто Христова всечестнáя.

Кондак 6

Проповедника Павла, иже рече: всяк подвизаяйся от всех да воздержится, послушаючи, в посте и воздержании неослабно пожила еси, преподобная, во обители;/ суесловия бо бегала еси и, песньми псаломскими назидающеся, молилася еси, и в добрем изволении утверждающеся, выну пела еси: Аллилуиа.

Икос 6

Возсия благодать в подвизах жития твоего, Евфросиние всечестная;/ по некоем бо времени во град Полоцк преселилася еси, и при храме святыя Софии в клетце мале подвизающеся, книги божественныя преписовала еси и тако град ти присный полезным учением напаяла еси, слышащи от всех таковая:

Радуйся, Полоцкое радование;/ радуйся, девам сияние.

Радуйся, звездо благочéстия;/ радуйся, смирения испóлненная.

Радуйся, послушанием утверждénная;/ радуйся, с молчанием скорби терпévшая.

Радуйся, при храме бо, яко древле Богоотроковица, пожила еси;/ радуйся, мудрая княжно и инокине пречестная.

Радуйся, цвете по́стничества;/ радуйся, свете крото́сти.

Радуйся, упова́ния/ неложнаго испове́днице.

Радуйся, Евфросиние,/ невесто Христова всечестная.

Кондак 7

Хотяй спасти тобою жены и девы многия во иночестве, Владыка Христос сицеваго видения удостои тя, преподобная;/ в соннем видении узрела еси себе, Евфросиние, принесену в сельце к церкви Спасове, и Ангела ти рекшаго: zde ти быти подобает. Ты же абие от сна воставши, радостне пела еси: Аллилуиа.

Икос 7

Новое чудо бысть: тойже бо Ангел явился святителю Илии, повеле ему дати сельце то на вселение ти и церкви на молитву, еже и сотвори святитель абие. Сия поминающе, тако ты величаем:

Радуйся, ангельски пожившая;/ радуйся, Ангела Господня узревшая.

Радуйся, сладкия беседы его прича́стнице;/ радуйся, яко и пред святителем ходатай б́е о теб́е.

Радуйся, Ангелом и на всех путех твоих храненная;/ радуйся, кровом крил его огражденная.

Радуйся, не преткнувшая ноги твоя о камень гордыни;/ радуйся, сего ради видения зрака ангельскаго удостоенная.

Радуйся, яко явися ти, иже зрит лице Отца нашего Небеснаго;/ радуйся, не прогневанная хранителя ничимже суетным и греховным.

Радуйся, сего ра́ди/ радостныя вести удостоенная.

Радуйся, Евфросиние,/ невесто Христова всечестная.

Кондак 8

Странник, кров узрев, радуется и, пришед, покой си приемлет. И ты, преподобная, радости исполнилася еси, при церкви на сельце водворившись со единою от инокинь, и ту основание обители твоя сотворила еси, отнюдуже Богу днесь возносится песнь великая, в вышних сугубо песнословимая: Аллилуиа.

Икос 8

Вся весть Господь, и ничтоже тайно, еже не открыется;/ ведый же вся, коемуждо от человек изволение дарует, да избрет кийждо путь жития, и якоже кто поживет, по житии коегождо скончавшася судит. Яже памятующе, тако ты хвалим:

Радуйся, благий ярем Христов подъемшая;/ радуйся, по гласу ангельскому на место пустынно отшедшая.

Радуйся, точною книги с собою прине́сшая;/ радуйся, со едином одеянием б́ывшая.

Радуйся, с тремя малыми хлебы все́льшаяся;/ радуйся, прочая вся оста́вляющая.

Радуйся, пустыни украшение;/ радуйся, яко сроднии за подвиг сей благословиша тя.

Радуйся, епископом Илиею утешенная;/ радуйся, яко вскоре к тебе многи инокини стекóшася.

Радуйся, яко и обитель/ славная ту устрои́ся.

Радуйся, Евфросíние,/ невесто Христова всечестна́я.

Кондак 9

Всемилоствиваго Спаса храм во обители создала еси и честными иконами украсила еси, преподобная, споспешствующей ти благодати Божией;/ древоделя бо на строение церковное некий глас буждаше, на скончание же храма дивне плинфы многи обретошася. Яже зрящи, со умилением пела еси: Аллилуиа.

Икос 9

Ветия мудрая была еси, преподобная, памятовала бо еси слово Христово: иже сотворит едину заповедей сих малых и научит тако человеки, сей велий наречется в Царствии Небеснем;/ и поучающи благочестию сестры своя, первее сия творила еси. Темже тя величаем:

Радуйся, инокиням правило иноческаго жити́я;/ радуйся, яко в чистоте и целомудрии блюла еси ю́ныя.

Радуйся, неложно старыя почита́вшая;/ радуйся, скорбным споспешнице в терпéнии.

Радуйся, была бо еси всем образ смирения и благолепнаго хождéния;/ радуйся, обличительнице осуждения и многослóвия.

Радуйся, приятелище дара прозрéния серде́ц;/ радуйся, вопрошающим мудрая советнице.

Радуйся, миротворице свáрящихся;/ радуйся, добродетельми преукра́шенная.

Радуйся, вели́кая/ российская дéво.

Радуйся, Евфросíние,/ невесто Христова всечестна́я.

Кондак 10

Спасения ради и утешения Ефесскую икону Владычицы наша Богородицы испросила еси из Царяграда, преподобная, во град Полоцк. Обитель ину устроивши, тою иконою сию украсила еси;/ сестру же и две дщери братния, Кирианну и Ольгу, иночества обетами Христови обручила еси и во обителех твоих во спасение управила еси многия, поющи: Аллилуиа.

Икос 10

Стеною крепкою от искушений явися смирение твое;/ вся бо ти повеленная совершивши, яко рабу неключиму вменила еси себе, преподобная;/ кротостию и тихостию нрава паче злата и бисера украсила еси душу твою. Темже тя величаем:

Радуйся, слуго чистая Девы Пречíстыя;/ радуйся, увеселила бо еси Полоцк чудным Божия Матере óбразом.

Радуйся, великое сокровище Российстей земли тако стяжа́вшая;/ радуйся, многия девы во обитель Божия Матере привéдшая.

Радуйся, присныя ти на путь спасения привлéкшая;/ радуйся, мудрая управительнице во спасéние.

Радуйся, две обители, яко свещи, возжéгшая;/ радуйся, теми просветившая страну Пóлоцкую.

Радуйся, насадительнице древа íноческаго жити́я;/ радуйся, смирением утаевавшая высоту твоих пóдвигов.

Радуйся, строительнице/ Росси́йския земли́.

Радуйся, Евфросíние,/ невесто Христова всечестна́я.

Кондак 11

Песньми восхваляюще тя, терпению твоему дивимся, преподобная;/ всякия бо труды и скорби понесши, последи во Святую Землю странствие прияла еси, идеже, по желанию твоему, и скончати́ся приведе ти Господь;/ тамо бо к Нему в старости маститей преселилася еси, подвиг добрый совершивши, с песнию: Аллилуиа.

Икос 11

Светозарная луче земли Российския! Аще плотию преставилася еси от нас, преподобная, обаче духом с нами присно пребываеши. Во храме, тобою созданном, молящися и кресту, от тебе устроенну, поклоняющися, молим тя, приими от нас сицевыя хвалы:

Радуйся, древняя России сия́ние;/ радуйся, оныя днесь вели́кия похвалó.

Радуйся, славная Земли Святыя от севера пришéльнице;/ радуйся, гробу Христову поклонитися сподóбльшаяся.

Радуйся, лампаду ту от земли Российския возжéгшая;/ радуйся, у гроба Христова ко Христу отшéдшая.

Радуйся, у онаго крест земнаго жития твоего оста́вльшая;/ радуйся, Святыми Тайнами при скончании напúтствованная.

Радуйся, на Небеси от святых угодник радостно срéтенная;/ радуйся, венцем славы от Небеснаго Жениха увенча́нная.

Радуйся, мудрая дéво,/ вшедшая в чертог Жениха Небеснаго со сла́вою;

Радуйся, Евфросíние,/ невесто Христова всечестна́я.

Кондак 12

Благодати причастнице, усердно молим тя, Евфросиние всехвальная, пролий теплую твою молитву ко Всевышнему за всю землю нашу православную, да мудростию и чистотою жития народнаго, яко дочь избранная, будет во языцех земля наша, и чада ея да внидут в горняя селения, поюще Богови: Аллилуиа.

Икос 12

Поюще тя, яко заступницу нашу теплую, инокиням же и девам обители твоей покров и утверждение, радуемся о тебе, преподобная, и молитвами твоими просимая приемлюще, с любовию величаем тя сице достойно:

Радуйся, яко мощи твоя, во отечество принесенныя, процветоша нетлѣнием;/ радуйся, всехвальная, равноапостольнаго Владимира правнуко.

Радуйся, собеседнице равноапостольныя Ольги и всего богосветлаго лика праведных жѣн;/ радуйся, всельшаяся в скінію святыхъ.

Радуйся, незримая о нас ходатаице;/ радуйся, болящих врачевание дѣвное.

Радуйся, печальных утешение неложное;/ радуйся, отрадо скорбящихъ.

Радуйся, опоро тя призывающихъ;/ радуйся, заступнице наша теплая у Христа.

Радуйся, дѣвная,/ верою чтущихъ тя путеводительнице ко спасѣнію.

Радуйся, Евфросиние,/ невесто Христова всечестная.

Кондак 13

О всехвальная мати наша, Евфросиние всечестная! Моли за ны Господа и Матерь Его Пречистую, да укрепит наша немощныя силы и во спасение управит, юныя в чистоте соблюдет, девствующія укрепит в подвиже, во браце сущія в любви и мире усовершит, уврачуе недужныя, просветит омраченныя, умершия простит и вся в чертоги Своя управит, идеже выну Ангели поютъ песнь хвалебную: Аллилуиа.

Этот кондак читается трижды, затем икос 1-й и кондак 1-й

Молитвы преподобной благоверной княгине Евфросинии Полоцкой

Молитва первая

О преподобная и приснопамятная, всехвальная мати Евфросиние, Ангеле во плоти, богоизбранный сосуде Святаго Духа, Церкви Христовы похвало и украшение, монашествующихъ славо и утверждение, отечеству, обители твоей и всей стране Россійстей помощи, покрове и защитнице! Ты еси, яко древо, насажденное при исходящихъ вод, плоды добродетелей твоихъ и благодатными дарованиями Святаго Духа украшенная, наставнице делом и словом, избранная, непорочная и добрая. Услыши ны, молящіяся тебе и призывающія имя твое, имаши бо дерзновение у Господа. Испроси намъ преспеяние в жизни добродетельней, огради сердца наша верою, надеждою и любовью и страхомъ Божиимъ. Подай намъ помощь в трудехъ и скорбехъ нашихъ и, якоже попечение имела еси в житии твоемъ о обители твоей и иночествующихъ, тако и ныне потщися о насъ, благопоспешити намъ во всемъ: и обитель твою огради миромъ и защити отъ врагъ видимыхъ и невидимыхъ, да преуспеваетъ и процветаетъ в добродетелехъ. Изми ны отъ всякия нужды и тесноты, отъ лютыхъ болезней и отъ нечаянныя смерти и приведи ны ко истинному покаянію при исходе изъ жизни сея;/ испроси намъ у Господа Бога кончину мирну, безболезненну, непостыдну, Святыхъ Тайн причастну и преведи ны чрезъ мытарства воздушная, да не похитятъ насъ истязателие грознии по грехомъ нашимъ, но да твоимъ заступлениемъ и помощію возможемъ безбедно пройти истязание воздушное, и милость получитьи, и предстати неосужденно страшному Престолу, и на Страшномъ Судищи сподобитися одесную стати Праведнаго Судии, и наследовати праведныхъ часть. Ей, госпоже, всечестная мати, преподобная Евфросиние, помози намъ молитвами твоими, огради насъ и заступи отъ всякихъ козней вражиихъ, да сподобимся преити время жизни сея непреткновенно и спасение получитьи молитвами твоими у Христа Господа, Егоже и сподобимся пети и славословити со Безначальнымъ Отцемъ и со Святымъ Духомъ во веки вековъ. Аминь.

Молитва вторая

О преподобная мати Евфросиние! Услыши ны молящихся тебе;/ испроси нам, рабам Божиим (имена), преспеяние в жизни добродетельней;/ огради сердца наша верою, надеждою и любовию, и страхом Божиим, подай нам помощь во трудех и скорбех наших, изми ны от всякия нужды и тесноты, от лютых болезней и от нечаянныя смерти, и приведи ны ко истинному покаянию при исходе от жизни сея;/ испроси нам у Господа Бога кончину мирну, безболезненну, непостыдну, Святых Тайн причастну;/ и проведи ны чрез мытарства воздушная. Ей, преподобная Евфросиние, помози нам молитвами твоими: огради нас и заступи от всяких козней вражиих, да сподобимся спасение получитьи у Христа Господа, Егоже и сподобимся славословити, со Безначальным Отцем и со Святым Духом, во веки веков.